

Årsmelding 2022



Bryne
Kyrkja

INNHOLD

Årsmelding frå Bryne sokneråd	s. 3
Årsmelding trusopplæringa	s. 8
Årsmelding Jungelgjengen	s. 10
Årsmelding Jungelkoret	s. 11
Årsmelding Allegro	s. 11
Årsmelding KFUM – KFUK speidaren	s. 12
Årsmelding 9:13	s. 14
Årsmelding Familiefokus	s. 15
Årsmelding for Teknikarcompaniet	s. 16
Årsmelding for kyrkjemiddag	s. 17
Årsmelding Etter skuletid	s. 17
Årsmelding UngFokus	s. 18
Årsmelding frå bibelkveldane	s. 18
Årsmelding frå Bryne diakoniutval	s. 19
Årsmelding frå misjonsutval	s. 22
Årsmelding frå Julemessa	s. 22
Bøn om vekst	s. 23

www.brynekyrkja.no | www.facebook.com/brynekyrkja | @brynekyrkja

den opne famns kyrkle
for gode relasjoner | raus i sitt mangfald | tydeleg i si retning

ÅRSMELDING BRYNE SOKNERÅD 2022

SOKNERÅDET 2022

Leiar Ola Undheim

Nestleiar Anne Brit Ree, medlem av fellesrådet

Inger Bakke Berge

Jarle Braut, medlem av fellesrådet

Steinar Espesvik

Heidi Strand Harboe

Tove Hersdal

Hans Tore Hetland

Sokneprest Stein Ødegård

1. varamedlem Rolf Heskestad
2. varamedlem Grete Sæther Kallestad
3. varamedlem Astrid Ødegård Lemvik

TILSETTE I BRYNE KYRKJELYD:

Stein Ødegård, sokneprest

Jostein Aa. Tollaksen, dagleg leiar/kyrkjelydsutviklar

Elisabeth S. Obrestad, administrasjonsleiar

Per Olav Egeland, kantor

Marit H. Hetland, trusopplærar og diakon

Tone Vold, trusopplærar

Asle Steinbru, prosjektleiar Ung i Time, slutta 1.september

Ingfrid Time Nærland, kateket

Arne Espesvik, kyrkjetenar

Lars Andreas Olsen, kyrkjetenar

Soknerådet hadde 6 møte og behandla 49 saker i 2022.

I lag med staben starta me i januar 2020 med å laga ny strategiplan med visjon og satsingsområde for perioden 2020 - 2023. Planen vart godkjent seinare på våren. Lite visste me då at året skulle bli eit spesielt år.

TAKK

Igjen takk til alle dykk trufaste små og store, de frivillige og tilsette som kvar veke går inn og ut i Bryne kyrkje.

2022 var frivillighetens år. Me hadde eit spesielt fokus på kor viktig det er at me har nok frivillige til arbeidet i Bryne kyrkje, og at frivillige får bruka ressursar og talent med glede. På soknerådsmøta brukte me Stavanger bispedømme sitt ressurshefte "Fri og villig".

FRÅ PANDEMI TIL NORMALTID

Etter to krevande år med koronapandemi opna kyrkja og samfunnet i februar 2022 opp til normale måtar å vera saman på. Soknerådet og staben har gjort bevisste satsingar for å prioritera fellesskap og gje folk glede og lyst til å finna sin plass på ny. Me hadde ein flott medarbeiterfest med Ryfylke Livsgnist i september.

Biskopane sitt klimahefte var utgangspunkt for kveldsgudstenestene våren 2022. Fellesskap og frivillighet var fokus hausten 2022. Tema: "Kyrkja eit stort vi".

Soknerådet la også inn ei ekstra satsing på lønna ressurs til korarbeid. Hausten 2022 vart det restart av to barnekor, i godt samarbeid med dei andre sokna i Time.

På grunn av pandemien med ettervirkningar er det ikkje lett og rett å måla ei langsiktig utvikling av statistikk for Bryne sokn. Her er enkelte aktuelle nøkkeltal:

STATISTIKK BRYNE SOKN 2022

Bryne sokn	2015	2017	2019	2020	2021 (eks digitalt)	2022
Innmeldingar	4	4	12	6	8	7
Utmeldingar	38	52	42	37	63	69
Dåp i Bryne Kyrkje	53	47	54	39	49	35
Døpte soknebarn	86	71	88	68	63	72
Konfirmanter	97	96	73	78	69	90
Vigsler	0	2	2	1	3	3
Gudsteneste totalt søn- og helgedag			67	55	71	74
Deltakarar totalt søn- og helgedag			10514	4595	4688	7497
Hovudgudst kyrkja søn- og heldagdag (Minus Sundagstreff / dåpsgudst ol...)	54	56	53	42 el 37	Ikkje i SSB	53
Deltakarar totalt hovudgudsteneste	10921	10683	9598	4143 el 3960		7362
Gjennomsnitt (hovud)gudst krk	202	191	181			138
Familiefokus (F)	8	11	9	5	6	6
Deltakarar totalt Familiefokus	999	1670	1988	735	740	841
Gjennomsnitt Familiefokus	124	152	220	147	123	140
Andre gudstenester.(inkl. institusjon og skulegudstenester)	34	26	20	9	5	23
Deltakarar andre gudstenester	3059	3853	3268	783	123	2218
Nattverdgudst sønd-/helgedag (*ikkje institusjon)	29	29	33		23	23
Nattverddeltakarar sønd-/helgedag (ikkje institusjon)	3059	3036	3571		1726	1943
Gjennomsnitt nattverd	105	105	108		75	84
Hovudgudsteneste for born	16	14	9	4	10	12
Deltakarar hovudgudsteneste for born	3246	2080	1783	726	1297	1699
Gjennomsnitt hovudgudst. for born	203	149	198	181	129	141
Skulegudsteneste	1347	1615	1628	0	2	1845
Gudstenester med dåp	3219	3346	3416	1742	20	2488

Julaftengudsteneste (inkl. institusjon)	1240	1122	1129	153	7	838
Konsertar	12	10	19	3	2	8
Deltakarar konsert	2400	2000	3900	300	200	1319
Offer totalt	433603	395339	433878	255265	287962	395186
Offer eige arbeid	172747	188600	198304	125038	129628	137499
Giverteneste	389476	536700	541650	557300	558200	550600
Andre gåver/innsaml ekst & int	289316	397395	317314	281400	219118	410220
Julemesse	179130	177071	173565	114515	184119	210650

Soknepresten sine kommentarar til statistikken:

Det er stabil utvikling for kyrkjelege handlingar i Bryne sokn, før, under og etter pandemien. 72 soknebarn vart døypete, 35 av dei i Bryne kyrkje. 90 vart konfirmerte, og endå fleire har meldt seg opp i kullet som vert konfirmerte til våren.

I forhold til medlemstal, ligg utmeldingar forholdsvis høgt, med 69 i 2022.

GUDSTENESTER

Gudstenester har eit forholdsvis stabilt frammøte. Statistisk er me ikkje oppe på nivået før pandemien, med enkelte unntak. Det er verd å merka seg at oppslutning om skulegudstenester er på rekordnivå, at alle barne- og ungdomsskular har skulegudsteneste før jul, inklusiv nye Vardheia ungdomsskule.

I dei mest "folkekirkjeprega" gudstenestene er tala høge på konfirmasjon (1900 på fem gudstenester), men urovekkande lågare på julafta. Særleg galdt det midterste gudsteneste som tidlegare har vore fullast.

Når det gjeld hovugdgudstenester på sundag ligg oppslutninga på om lag ¾ av tala før pandemien. Skal me tru at dette er forbigåande? Det er i alle fall gledeleg at nedgangen er minst merkbar i gudstenester med fokus på barn, altså Familiefokus og Gudstenester for store og små.

Familiefokus er eit viktig arbeid som engasjerer mange, og me vonar at også gudstenestane som er kalla Gudsteneste for små og store kan vera ei gudstenesteform som gjer at også tweens og tenåringar får lyst til å vera med til kyrkja.

SAMLINGAR

Hausten 2022 hadde dei tre bibelkveldane misjon som tema, og det var godt frammøte.

Innvandrartreffet har godt besøk.. Det ser ut til å vera eit godt tilbod for dei som ønskjer å møtast, og også treng å trena på å snakka norsk.

Julemessan var vellukka, og me fekk ny rekord, kr 210 000. Flott resultat for både barne og ungdomsarbeidet vårt, og for støtte til misjonsprosjekta våre.

Ny satsing på korarbeid. Tone Vold har fått eit spesielt ansvar for denne satsinga.

Dette har vore svært vellukka.

Me hadde også i 2022 ein stor kulturkveld i lag med Time historielag der tema var:"Dagleg brød for alle". Førredragshaldar var Morten Aasland, leiar av den faste norske delegasjonen til FN sine tre særorgan for mat: Verdas matvareprogram (WFP), FNs organisasjon for ernæring og landbruk (FAO) og Det internasjonale fondet for jordbruksutvikling (IFAD).

"Torsdagstreffet" har samlingar ein torsdag i månaden, og er ei god og viktig samling for denne aldersgruppa.

Samarbeidsavtalar med Stefanusalliansen og NMS viser eit stort misjonsengasjement i kyrkjelyden.

9:13-arbeidet har god oppslutning, og det er framleis behov for fleire leiarar.

Speidararbeidet går veldig bra, og det er venteliste for å vera med.

Det er og gledeleg at mange barn er med på Jungelgjengen under gudstenesta.

Den nye satsinga Kyrkjemiddag har blitt veldig populær og eit flott nytt tiltak som diakon Marit Høie Hetland har starta opp.

I haukt fekk me endeleg starta opp eit tilbod for innvandrarar. Det ser ut til å vera eit godt tilbod for dei som ønskjer å møtast, og også treng å trena på å snakka norsk. Me vart også glade då me kunne gjennomføra julemesse igjen før det vart stengt ned før jul.

ØKONOMI

Julemessene gav eit godt overskot som gjer at økonomien i kyrkjelyden framleis er god, og det gir oss frihet til til å驱va det arbeidet me meiner er viktig for å oppfylla visjonen. Men det har vore stor auke i lønsutgifter på grunn av auke i pensjonskostnadane. Det vil vera behov for ein ny kampanje for å få fleire gjavarar.

FRAMOVER:

Soknerådet har bestemt at Bryne kyrkjelyd skal vera ein grøn kyrkjelyd, og at klima og miljø skal vera eit satsingsområde dei neste åra. Me har sett ned eit eige utval som skal ha fokus på kyrkjya sitt miljøengasjement. Dei har alt kome godt i gang med arbeidet og har gode planar for vidare satsing.

Asle Steinbru sluttar i stillinga som ungdomsleiar og ansvarleg for Ung i Time 1. september. Arne Espevik har gjort ein god jobb i perioden før ny leiar er på plass. Dette arbeidet er eit viktig bønnetema.

Måtte Bryne kyrkje i 2023 fyllast av mange små og store til fellesskap i gudstenester og andre samlingar. Me er heldige som har ein kyrkjelyd som både har frivillige og tilsette som er engasjerte og har visjonar for og tankar om kva kyrkja skal vera for folk på Bryne.

Bryne, februar 2023

Ola Undheim soknerådsleiar



«GÅ DIFOR OG GJER ALLE FOLKESLAG TIL
LÆRESVEINAR: DØYP DEI TIL NAMNET ÅT
FADEREN OG SONEN OG DEN HEILAGE ANDE OG
LÆR DEI Å HALDA ALT DET SOM EG HAR BODE
DYKK. OG SJÅ, EG ER MED DYKK ALLE DAGAR SÅ
LENGE VERDA STÅR.»

TRUSOPPLÆRINGA ÅRSMELDING 2022

Dåpen forpliktar oss til opplæring. Trusopplæringa skal vera eit tilbod om systematisk og samanhengande opplæring for alle døpte barn og unge uansett funksjonsnivå.

I det store perspektivet er alt barne- og ungdomsarbeidet vårt trusopplæring, men det er likevel skilnad på fasetiltak og kontinuerleg arbeid. Fasetiltaka skjer over kortare tidsrom, og absolutt alle døpte i aktuell alder skal få eigen invitasjon. Fasetiltaka er del av den omfattande trusopplæringsplanen (systematisk og samanhengande), og tiltaka blir rapporterte fortløpende. Sjå tabellen nedanfor. Det er til fasetiltaka dei overførte midlane skal nyttast.

Oversikt over fasetiltaka:

Alder	Tiltak	Oppslutning 2022 (2021) i parentes)	Anna
0 år	Dåpssamtale og dåp	Bryne: 72(63) Time: 34 (38) Undheim: 13 (17)	1 samtale og gudsteneste
0-1 år	Babysong/småsong	Bryne: 20 av 150 = 13% (23%) Time: 21 av 72 = 29% (20%) Undheim: 6 av 31 = 19% (38%)	Samling annankvar veke
1-3 år Ny	Småbarnstrall	Bryne: 20 av 221 = 9% Time: 10 av 106 = 9% Undheim: 0 av 37 = 0%	6 samlinger, felles for sokna
2 år	Undretur	Bryne: 11 av 67 = 16% (12%) Time: 6 av 31 = 19% (19%) Undheim: 6 av 9 = 67% (57%)	1 samling
3 år	Krøllekveld	Bryne: 11 av 76 = 14% (16%) Time: 9 av 37 = 24% (9%) Undheim: 7 av 10 = 70% (77%)	1 samling
4 år	Fireårsklubb og Barnebibel	Bryne: 38 av 69 = 55% (28%) Time: 8 av 35 = 23% (57%) Undheim: 13 av 13 = 100% (82%)	3 samlinger + gudsteneste
5 år	Kor-Kickoff	Bryne: 19 av 83 = 23% (11%) Time: 6 av 38 = 16% (17%) Undheim: 2 av 11 = 18% (45%)	Felles for sokna: 1 samling
6 år, 1. kl	Dåpsskule for 1. klassingar	Bryne: 12 av 75 = 16% (17%) Time: 11 av 37 = 30% (37%) Undheim: 13 av 18 = 72% (83%)	B: 2 sml + dåpsskulehelg T og U: 3 saml. + dåpsskulehelg
7 år, 2. kl	Plan B – Aktivitetsdag for 2. klassingar	Bryne: 1 av 78 = 1% (7%) Time: 5 av 37 = 14% (18%) Undheim: 15 av 18 = 83% (39%)	Felles for sokna. 1 dagssamling (planleggingsdag for skulen)
8 år, 2. kl	Pinsefart for 2. klassingar	Bryne: 15 av 108 = 14% (24%) Time: 10 av 37 = 27% (30%) Undheim: 12 av 18 = 67% (75%)	3 saml. ettermiddagstid
9 år, 3. kl	Tårnagenthelg for 3. klassingar	Bryne: 15 av 90 = 17% (avlyst) Time: 6 av 44 = 14% (avlyst) Undheim: Annankvart år (avlyst)	3 saml. ettermiddagstid
10 år, 4 kl	På sporet av Jesus	Bryne: 9 av 91 = 10% (6%) Time: 2 av 33 = 6% (13%) Undheim: 7 av 16 = 44% (56%)	1 samling lørdag
10 år, 5 kl	Lys vaken	Bryne: 29 av 91 = 32% (23%) Time: 8 av 33 = 24% (55%) Undheim: 8 av 16 = 50% (50%)	Felles for sokna: Lørdag + gudsteneste

13 år, 7 kl	7. klassefest	Undheim: 12 av 10 = 120% Bryne: 87 av 115 = 76% (74%) Time: 28 av 41 = 68% (86%) Undheim: 8 av 11 = 73% (111 %)	1 kveld
15 år, 9. kl	Konfirmasjon		Totalt 60 timer.

Starten av året vart litt prega av korona, men på langt nær slik som dei to åra før. Trusopplæringa hadde nesten heilt normal gjennomføring. Som alltid er det justeringar og/eller endringar. Småbarnstrall for barn 1-3 år er nytt av året. Det same er Kor-Kickoff, som eigentleg er endring av oppstartssamlingane for barnekora om hausten. Det vart ikkje arrangert 12 H Festival i koronatida, og festivalen er nå lagt ned for godt.

Den gode utviklinga i ungdomsarbeidet frå dei siste åra fortsette dette året. Dei tre ungdomsarbeidarane slutta omrent samtidig, og det skapte ein viss frustrasjon for det vidare arbeidet. Både permanente og midlertidige løysingar fungerte greitt ut året.

Det kontinuerlege barne- og ungdomsarbeidet er viktig grunnlag for forming av identitet, tru og fellesskap, og gjev rom for undring og vekst. Det er viktig å balansera satsinga på fasetiltaka med eit kontinuerleg tilbod i kyrkjelydane.

ORGANISERING:

I 2022 har det vore stor optimism, tiltakslyst og innsatsvilje. Trusopplæringa begynte å omorganisera ein del i 2021, og dette arbeidet fortsette i 2022. Det er nå større samarbeid på tvers av sokna, noko som betyr at trusopplærarar frå fleire sokn har arrangement i lag i fleire sokn.

TRUSOPPLÆRINGSSTILLINGAR:

Trusopplæringa har til saman 1,6 stillingar som er dekka av trusopplæringsmidlar. Sokneråda har vedteke å styrka trusopplæringa med innsamla midlar, og difor er stillingane innan trusopplæringa større enn det som blir dekka av overførte midlar.

Desse har vore tilsette i ulike stillingsstorleikar i trusopplæringa: Marit Høie Hetland, Tone Vold, Ragnhild Hanssen, Per Olav Egeland og Ingfrid Time Nærland.

Eg takkar dyktige medarbeidarar, både tilsette og uløna, for sterkt engasjement og god innsats for trusopplæringa! Det er i dette samspelet at arbeidet er mogleg å gjennomføra. Ei lita utfordring og oppmuntring går til leiarar i det kontinuerlege arbeidet om å vera med som medarbeidarar i fasetiltak for å laga linkar til deira eige arbeid.

Guds signing.

13.02.2022
Ingfrid Time Nærland

ÅRSMELDING JUNGELGJENGEN 2022

Jungelgjengen er Bryne Kyrkje sin sundagsskule. I starten av gudstenesta kjem Løva inn, tek seg ein «drøs» med presten, og inviterer borna med seg ned i kjellaren. Her har borna eigen samling, medan gudstenesta i kyrkjesalen fortset. Opplegget «Sprell Levende» fra «Søndagsskolen Norge» blir ofte nytta, og det er som regel ein aktivitet i kyrkjestova etterpå. Borna får beskjed når det startar nattverdsamling i gudstenesta, slik at dei har høve til å koma opp og vera med på å feira nattverd viss dei vil.

Me prøver alltid å ha Jungelgjengsgamlingar på alle gudstenestene på sundag føremiddag, utanom dei gudstenestene med eit spesielt fokus på born (som Familiefokusgudsteneste og gudsteneste for store og små), høgtid eller sommarferie.

Det kjem en god gjeng, ca. 15-20 born nokolunde fast, og i tillegg kjem det ofte ein del ekstra born når det er dåp i kyrkja. Kor mange som kjem varierer frå gong til gong alt etter kva tid på året det er, kva gudsteneste det er og om det er dåp i gudstenesta.

Også i 2022 har me hatt ei flott og trufast gruppe med frivillige sundagsskuleleiarar på Jungelgjengen. Leiariane har vore Heidi Strand Harboe, John Gravdal og Margunn Obrestad , og Anne Brit Ree. Dei deler seg opp i 3 team og fordel sundagane mellom seg. Randi Listøl Thu blei etter mange år takka av frå «Søndagsskolen Norge» i ei gudsteneste på nyåret. Lars og Randi Tjelle vil starta opp på nyåret 2023 som nye søndagsskoleleiarar. Me er svært glade og takksame for den enorme innsatsen det alle sammen har lagt ned, og legg ned i dette viktige arbeidet for å byggje det kristne fellesskapet for born i Brynekyrkja samtidig med gudstenestene. Me gler oss til eit nytt år 2023 med Jungelgjengen.

Tone Vold
Kyrkjelydspedagog



ÅRSMELDING FOR BARNEKORET I BRYNEKYRKJA 2022

Annankvar torsdag i partalsveker øver Barnekoret i Brynekyrkja. Koret er for barn frå 4 år og oppover. Våren 2022 var det opp til og med 2. klasse, og hausten 2022 blei dette utvida til og med 4. klasse. Denne hausten blei det starta opp med ekstra øvingar for 3.- og 4. klassingane. Litt ekstra øving med dei eldste i koret som har lyst å synga solo, i etterkant av korøvinga.

Jungelkoret (våren 2022) byta også namn til Barnekoret i Brynekyrkja ifrå hausten 2022.

Me gler oss over eit vaksande barnekor, og utover i året 2022 startar det stadig nye kormedlemmar. Ved utgangen av 2022 har koret ca. 50 medlemmar som kjem nokolunde fast. På korøvingane stiller borna opp i trappene etter at dei har varma opp i benkeradene. Så blir det øving på nye og gamle songar som me bruker når me optrer.

Det er alltid eit høgdepunkt å opptre, og det har koret gjort fleire gonger dette året. Mellom anna var det kjekt å endeleg kunna opptre på gudstenesta på julafana igjen etter to år med pandemi.

Etter øvinga er det ein kort andakt ifrå barnebibelen før alle går ned i kyrkjestova på felles kveldsmat. Koret kjøper inn og serverer kveldsmat, slik at alle som kjem, både born og vaksne kan eta kveldsmat, drøsa i lag og bli kjende med kvarandre før dei går heim.

Koret har eit yrande liv, både under korøvinga oppe og kveldsmaten nede. Det er veldig kjekt å sjå at så mange gler seg til å koma i kyrkja og syngja om Jesus, treffa venner og eta i lag.

ÅRSMELDING FOR ALLEGRO/TT-KORET 2022

Våren 2022 var koret Allegro i Brynekyrkja. Allegro var eit kor for alle born mellom 3. – og 7. klasse. Koret øvde annankvar torsdag i partalsveker. Me var stort sett ein stabil og songglad jentegjeng på 11 jenter. På øvingane samlast me rundt flygelet der me song og øvde til opptrerdenar som me hadde på gudstenester i Bryne kyrkje. Så hadde me på kvar øving ein pause med andakt, frukt, saft og nokre gonger litt ekstra kos. Ofte leikte me litt i pausen og.

På Lye forsamlingshus fantes det også eit tweenskor, LyeTweens. Dei siste åra har me hatt to større konserthusprosjekt saman med dette koret.

Dei to kora likte veldig godt å syngja saman, og ifrå hausten slo me oss saman og byta namn til TT-koret. TT står for «Tweens and Teens». Dette nye koret er eit felles prosjekt mellom Bryne, Lye, Time og Undheim. Koret er for alle songglade frå 5. klasse og oppover, og har øving i Bryne kyrkje annankvar torsdag i partalsveker. Ved årsskiftet består koret av 18 songglade tweens og teens.

Eit stort høgdepunkt hausten 2022 var å øva til vår eigen julekonsert. 8. desember inviterte TT-koret til julekonsert i Time kyrkje. Det var veldig vellykkja, mange kom for å høyrja på oss, og me fekk kjenna på songgleda, det å glede andre med songane våre, syngja om Jesus og å skapa eit trygt og godt kormiljø for tweens og teens.

Nå gler me oss til nye spennande prosjekt i 2023, og me ønskjer oss endå fleire kormedlemmar.

ÅRSMELDING 2022 BRYNE KFUM-KFUK SPEIDARGRUPPE

MEDLEMSTALL 2022:

Voksne:

Ledere: 20 stk. betalende

Ordinær medlem: 3 stk. betalende

Totalt: 23

Speidere:

Vandrere: 34 stk. betalende

Stifinnere: 34stk. betalende

Oppdagere: 21 stk. betalende

Familiespeidere: 3 stk

Totalt: 92

Totalt 121 betalende medlemmer 31.12.2022

ÅRET 2022

Samlingene for 2022 har som tidligere år vært på mandager fra kl. 18.00 til kl. 19.30/20:00. Vi har hatt egne oppmøter for alle graderingene. Klatring har blitt arrangert på onsdager i Brynehallen.

Det har vært stabilt godt oppmøte på samlingene og jevnt tilsig av medlemmer gjennom hele året. Vi har hatt en positiv medlemsøkning på 6 %. På grunn av dette har vi innført venteliste for alle graderingene i speidergruppa, men i praksis har vi kun utøvd denne for Stifinner-gruppen. Mange foreldre er også med på samlingene våre. Dette er veldig positivt, og det ser ut til at både voksne og barn trives godt.

Vi har også i år søkt støtte til speiderarbeidet og har fått tildelt prosjektmidler fra mange flotte bidragsytere. Totalt har vi fått 159.000 kroner i støtte på søker i 2022. Vi ønsker å takke disse flott bidragsyterne.:

LNU Organisasjonsboost (Skogsprett) – 50 000

Speider for en dag (Frivillighetens år 2022) – 25 000

Sparebankstiftelsen SR-Bank – For Alle 30 000

Sparebankstiftelsen SR-Bank – Klatreutstyr 34 000

Verdensspeiderleir – 20 000 (10 000 fra Grensesnitt og 10 000 fra Bryne sokneråd)

Støtter og gaver igjennom året har ført til at vi har kunnet arrangere kjekke arrangement for speiderne våre.

Vi arrangerte over 194 medlemsaktiviteter i løpet av 2022. Disse fordeler seg på følgende måte: Speidergruppen arrangerte 9 fellessamlinger.

Oppdagerne arrangerte 29 samlinger.

Stifinnerne arrangerte 29 samlinger.

Vanderne 5. klasse arrangerte 28 samlinger.

Vanderne 6. klasse og oppover arrangerte 34 samlinger.

Førerpatruljen arrangerte 8 samlinger.

Klatregruppa arrangerte 32 samlinger.

Ledersamlinger 17 møter

Det ble også arrangert 8 dughader/andre møter.

SAMLINGER VÅREN 2022

I mars deltok vi med Bruskasseklatring og 'Speider for en kveld' på Livsglede-festivalen. Vi inviterte til Speider for en dag i Kjerka et flott arrangement med mange deltakere i april – restene fra arrangementet ble levert til mottaket på Nærland. Vi har hatt flere deltakere på Peffkurs. I mai hadde vi en patrulje som deltok på KBK og som ble med videre til NM i speiding i Trøndelag. Speidervåren var ellers preget av forberedelser til den årets happening, gjørme-landsleiren Gnist Forsand 2022! Vi hadde også deltakere med på Leirliv 14+, 14+ Mat, Tur til Horve 2 med de eldste speiderne. Oppdagerne deltok på Oppdager-ekspedisjonen. Me har også fått hatt flotte dughader på speiderhytta vår.

SAMLINGER HØSTEN 2022

I september deltok Stifinnerne på Stifinner-ekspedisjonen med kretsen. Vi deltok også på Potefestivalen og hadde Speider for ein kveld. I august hadde vi deltakere med på 14+ kano. I desember deltok vi på lystenning av julegrana og på Lysmesset i Bryne kyrkje.

Året ble avsluttet med en felles juleavslutning.

LEDERE

Gruppa har hatt 20 ledere i 2022.

I januar gjennomførte vi et digitalt ledermøte, flere deltok på Kretsting i februar. I mars hadde vi lederleirbål med lederoppbakning og drøs. Ledermøte i juni og leirmøter samt ledermøte i august. I desember hadde vi årets siste ledermøte for planlegging av 2023.

Vi har en veldig stabil og aktiv lederstab som alle bidrar til å gi speiderne en magisk opplevelse hver mandag vi får lov til å samles. Takk for innsatsen.

Både blant speidere og ledere er det en veldig positiv stemning og mange koser seg stort på samlingene.

Leder for oppdagerne er Margunn Obrestad

Leder for stifinnerne er Svein Hareland

Leder for vanderne er Bjørnar Tollaksen/Katrine Stensland

Leder for klatrerne Hein Arve Aarsand

KOMMUNIKASJON

Vi har brukt Spond aktivt til å kommunisere med både foreldre og mellom ledere. Dette systemet har automatisk oppmøtestatistikk og forenkler hverdagen som speiderledere.

Kjell Arild Nielsen

Leder

Bryne KFUK-KFUM Speidergruppe

**KJÆRE FAR I HØGE HIMMEL,
HØYR MI STILLE HJARTEBØN:
KVAR EG ENN VERDA VANKAR,
LAT MEG BLI SOM SONEN DIN.
LAT MEG LEVA DEG TIL ÆRA,
HEIDRE NOREG, FAR OG MOR,
ANDRE FOLK TIL HJELP FÅ VERA,
OG SO LYDA LOVA VÅR.**

ÅRSmelding 2022 FOR BRYNE 9:13

9:13 er eit lågterskel tweensarbeid i Brynekirken. Ein torsdag i månaden kl. 17:30-19:30 er alle som går i 4-7 klasse velkomne. Programmet er ganske fast kvar gong med felles oppstart, aktivitetegrupper, samling med andakt i kyrkjerommet og til slutt mat. Ei matgruppe forbereder maten som blir spist på slutten, etter andakten. Det er også alltid ei formingsgruppe med ein hobbyaktivitet, samt ei minglegruppe som har eit godt utval av aktivitetar og utstyr som playstation, nintendo switch, biljard, brettspel, bordtennis, fotballspel og meir.

Dei eldste i 9:13 har tilbod om å vere med i Crewet, som møtest ein halv time før start (kl. 17:00). Her blir dei mellom anna blitt introdusert for hjelpeleiaroppgåver som dei kan ha i løpet av 9:13-kveldane. Eit mål med crewet er å gjera overgangen frå barne- til ungdomsskule lettare, og samstundes styrke arbeidet i 9:13.

SAMLINGAR OG OPPMØTE

I 2022 har det vore 9 samlingar med 9:13, 5 i vårsemesteret og 4 i haustimesteret. I tillegg har Crewet også hatt to eigne samlingar. Spond blir nytta som påmeldingssystem. Det er mange ungar som kjem kvar gong, og det er stadig nye som begynner. Det kjem i gjennomsnitt ca. 50-60 ungar pr. gong, og 9:13 har ca. 100 unike medlemmar til saman.

FRIVILLIGHEIT

9:13 arbeidet er primært drive av frivillige. Hans Tore Hetland er frivillig leiar og har med seg ei god gruppe med trygge vaksne kvar gong. Samtidig er det veldig stort behov for fleire frivillige vaksne som kan engasjera seg i 9:13. Ansvoaret for Crewet og andakten har blitt leia av Asle Steinbru som har vore tilsett i stillinga «Ung i Time». Etter at Asle slutta i denne stillinga, har han denne hausten vore med som frivillig medhjelpar i påvente av at ny person skal verta tilsett i ungdomsleiarstillinga.

Tusen takk til alle frivillige som legg ned ein stor innsats i dette viktige arbeidet.

ÅRSMELDING FOR FAMILIEFOKUS 2021

Brynekyrkja ønskjer å vere ei kyrkje for gode relasjonar, raus i sitt mangfald, tydeleg i si retning. Familiefokus i Brynekyrkja skal vera eit lokalt misjonsarbeid på Bryne, som arbeidar for at fleire barnefamiliar skal fylja etter Jesus Kristus og høyrer til i kyrkjelyden.

Ein gong i månaden er det gudsteneste med Familiefokus i Brynekyrkja. På Familiefokus er det fleire barn enn vaksne i sving når vi feirar gudsteneste. Vi ønskjer at barna skal få vera deltagande og involvert i gudstenesta. Vi ønskjer at det skal vera deira gudsteneste.

Arbeidet drives av eit gudstenesteutval med ein representant frå Bryne Sokneråd og ein representant frå stab. Utvalet bestod i 2021 av: Rolf Heksestad, Ragnhild Byberg, Trond Arild Erga, Hans Tore Hetland (BRS) og Jostein Aa. Tollaksen (tilsett kyrkjelydsutviklar).

Me merka godt i 2022 at me var på veg ut av «koronatida». Det lugga riktig nok litt i starten på året, men etter kvart kom det aller meste opp å gå igjen og i godt gjenge. Det var nok i heile 2022 litt seinverknadar etter nedstenginga, og ikkje alle har kome heilt i gang igjen med gudstenestebesøket slik det var før pandemien.

STATISTIKK 2022

År	2014	2015	2016	2017	2018	2019	2020	2021	2022
Familiefokus gudstenester	8	8	9	11	9	9	4	6	6
Deltakarar totalt Familiefokus	1048	999	1265	1670	1620	1988	726	738	841
Gjennomsnitt Familiefokus	131	124	140	152	180	220	182	123	140

PEDAGOGISK OG TEOLOGISK INNHOLD

På Familiefokus brukar vi Søndagsskolen NORGE sitt undervisningsopplegg «Sprell levande». Me brukar dei same tekstrekkena som Jungelgjengen. Dette for at barna skal kjenna igjen både opplegg og innhold når dei kjem på Jungelgjengen dei sundagane det ikkje er Familiefokus. Utgangspunktet for liturgi og form på Familiefokus gudstenestane er Søndagsskolen NORGE sitt gudstenestekonseptet «Sprell levande gudstenester»

ETTER SKULETID

I 2015 starta me ei eiga gudstenestegruppe for barn (3 – 7 kl.) som samlast på tysdag etter skuletid i veka før Familiefokus, og planlegg den komande gudstenesta. Her spis vi saman, leiker og planlegg gudstenesta.

I 2022 hadde me 6 samlingar, 3 på våren og 3 på hausten. Det har vore mellom 15 og 25 born med kvar gong.

LOVSANGSTEAM

I 2022 har det på kvar gudsteneste vore med lovsangsteam leia av Jostein Aa. Tollaksen. Me har nå 2 lovsangsteam som er med, og dette året har det nyaste teamet (Team2) overtatt for Team1 som har vore med på Familiefokus i mange år. Team 1 spelar nå mest på Gudsteneste for store og små.

Musikken gjer mykje med uttrykket på gudstenestane og det er flott å sjå at barna er med i lovsongen. Lovsangsteama er også med på andre gudstenestar i Brynekyrkja. Dette har vært berikande for gudstenestearbeidet i Brynekyrkja.

STAB

Jostein Aa, Tollaksen, Marit Høie Hetland og Inger Bakke Berge (frivillig) dreiv Familiefokus i 2022. Stor TAKK til ein stor stab av frivillige som har er med og driv dette viktige arbeidet. Utan dei hadde ikkje dette vore mogleg



ÅRSMELDING FOR TEKNIKARKOMPANIET 2022

Teknikarkompaniet er ei gruppe for tweens og ungdommar som interesserer seg for tekniske ting. I teknikarkompaniet kan ein koma og læra om lyd, lys, filming, PC/skjerm og streaming. Her er det trygge vaksne som er med og underviser i korleis teknikken verkar, og som hjelpar ungane/ungdommane med å la dei få lov til å prøva seg bak mikseputten.

Teknikarkompaniet bidrar inn i mange samanhengar i kyrkja vår. Nokre av oppgåvene som teknikarkompaniet gjer er å:

- Streama fleire gudstenester ut på internett.
- Bidra med filming, lyd, lys og bilete på Familiefokusgudstenestane og Gudstenear for store og små.
- Rigge mikrofonar og styre lyd på TT-koret

Teknikarkompaniet har hatt eigne samlingar, samt vore med på felles arrangement saman med TT-koret.

Det er ca. 12 medlemmar i teknikarkompaniet.

ÅRSMELDING KYRKJEMIDDAG 2022

To fredagar i halvåret blir det invitert til kyrkjemiddag i kyrkjesalen i Brynekykja. Dette er eit nytt tilbod som me starta opp med våren 2022. Me hadde to gonger på våren 2022 og to gonger på hausten. Då riggar me om kyrkjesalen slik at me har langbord som me kan sitja rundt og kosa oss med mat og aktivitetar.

Tacomiddag for store og små er først og fremst tenkt som eit tilbod for småbarnsfamiliar, som eit lite pusterom i ein travel kvardag. Programmet er 3-delt. Først et me taco, deretter er det ein andakt, etterpå har me ein lageaktivitet for borna medan dei vaksne kan få drikka kaffi og drøsa saman.

Første gongen var det runt 30 personar til stades, så har antalet auka for kvar gong til runt 70 med smått og stort siste gongen. Nye familiar kjem til kvar gong.

Eit frivillig middagsteam er lagar maten, serverer og ryddar opp etterpå.

Målet er at dette skal vera ein uforpliktande, koseleg fredagskveld med låg terskel, der det er lett å be med seg nye folk i kyrkja.

ÅRSMELDING FOR «FAMILIEFOKUS ETTER SKULETID» 2022

På tysdagar, ca. ein gong i månaden, samlast born frå 3.-7. klasse til «Etter skuletid». Dette er ei gudstenestegruppe for tweens som er knytt opp imot Familiefokusgudstenestene. «Etter skuletid»-tysdagane er alltid lagt til tysdag før Familiefokusgudstenestene, og desse tysdagane og sundagens gudsteneste heng uløyseleg saman.

På «Etter skuletid» startar me med å ete pizza Grandiosa saman. Etter det går me gjennom teksten for sundagens gudsteneste, for så å planleggje gudstenesta saman med ungane. Planlegginga kan bestå i å øve inn drama, forberede bøner og bønevandring, dans, song, tekstlesing eller andre kreative innslag. Nokre av ungane er og med i teknikarkompaniet, og planlegg for det tekniske medan resten øver til gudstenesta. Til slutt et me alle ein ispinne til dessert og avsluttar med velsigninga. Planlegginga av sundagens gudsteneste sluttar ikkje med dette, men fortset vidare utover heile veka saman med borna og foreldra deira. Så på sundagens gudsteneste treffest me i kyrkja ca. 1 ½ time før gudstenesta begynner for å øve på alle ledda i gudstenesta der borna er med.

Det er eit yrande liv på desse gudstenestene, og «Etter skuletid» er med som ein viktig aktør i Familiefokus sitt store nettverk av tenestegrupper, frivillige og andre deltakrar. Me kjenner at fellesskapet gjer godt. I 2022 hadde me 6 samlingar, 3 på våren og 3 på hausten. Det har vore mellom 15 og 25 born med kvar gong.

Det er kjekt å sjå at borna og deira familiar finner sin plass i fellesskapet og får eigeskap til gudstenestene. Me ser og at det hos foreldre er eit stort engasjement for ungane sin deltaking i gudstenesta, og me gler oss til fortsetjinga i 2023.

Skrive av: Marit Høie Hetland

ÅRSMELDING UNG FOKUS 2022

Kyrkja sitt ungdomsarbeid UngFokus eller berre 'UF' er eit opent lågterskelarbeid for alle ungdommar frå åttande klasse og oppover. UF starta opp i 2020. Både oppstartsåret 2020 og året 2021 var ein del prega av pandemirestriksjonar. I 2022 var det veldig kjekt å kunne invitera til UF-kveldar annankvar laurdag utan å tenkja på at ein måtte halda avstand til kvarandre. Ein vanleg UF kveld består av glade ungdommar, mykje leik, spel, bordtennis og biljard. Andakt og lovsong. Kiosk med brus, snop og pizza.

I tillegg til laurdagskveldane er det eit UF-band som består av ungdommar som spelar piano, gitarar, bass, trommer og song. UF-bandet øver på tysdagar og spelar til lovsongen på laurdagskveldane.

I winterferien 2022 arrangerte UF JærLan ifrå fredag kveld kl. 18:00-laurdag morgen kl. 09:00 saman med Varden (på Lye forsamlingshus) og UKUF (i Undheim kyrkje). JærLanet var lokalisert på Lye, og var eit kjekt høgdepunkt for ungdomsarbeida i Time.

UF-styret er eit styre som er aktive og gjennomfører mykje av aktivitetane sjølve. Asle Steinbru har vore tilsett som ungdomsleiar våren 2022, og fyljer ungdommane tett. Hausten 2022 sluttar Asle i denne stillinga, og Arne Espvik blei tilsett som leiar av UF fram til det kjem ein ny person i Asle sin stilling. Arne har vore leiar av UF heile hausten 2022.

Det er vanlegvis mellom 15-20 ungdommar på UF-kveldane. Me gler oss stort over eit aktivt og vaksande ungdomsarbeid i kyrkja vår, og me gler oss til fortsetjinga i 2023.

ÅRSMELDING FRA BIBELKVELDANE 2022

Bibelkveldane er eit trus-opplæringstiltak for vaksne.

Vi gjennomførte 3 bibelkveldar hausten 2022. Dette var 11. året på rad det var bibelkveldar.

Komiteen bestod av: Jens Olav Mæland, Jan Helge Stensland og Kjell Ragnar Thu.

Temaet var misjon med overskrifta «**Fokus på misjon**».

I dei første århundra kryssa kyrkja både politiske, sosiale og kulturelle barrierar. Misjon skjedde under stor motstand og forfølging. Også i dag lever mange kristne kyrkjer under hard motstand og trakkassering. Men ingenting har kunna hindra spreieninga av evangeliet og etablering av nye livskraftige kyrkjelydar.

I dag finst den kristne kyrkja i alle verdsdelane, og i mange nasjonar er ein stor del av innbyggjarane kristne. Det kristne evangeliet har sett sitt preg på kultur og livssyn, kvardagsliv og høgtider.

Undervisinga var prega av ulike innfallsvinklar, til kunnskap, innsikt, ettertanke og engasjement.

Program:

TID	Temá	Foredragshaldar	Frammøtte
11. okt.	Bibelteologisk oversikt: Profetane i GT – og Jesus og apostlane si forkynning	Jens Olav Mæland	64
	Misjonsvisjonen og Madagaskar	Hans Austnaberg	
25. okt.	Misjon i ei ny tid: Globalisering som utfordring til den kristne kyrkja	Kjetil Aano	58
	Norsk misjon i Aust-Afrika	Erling Lundeby	
8. nov.	Vår utfordring til misjon i dag	Helge Gaard	71
	Misjon og media – utfordring og muligheter	Lars Dahle	

Det var to undervisningstimar kvar kveld med ein kort pause mellom. I pausen vart det servert kaffi og twist.

Det var kollekt kvar kveld for å dekke utgifter. Det vart eit overskot på 7001,60. Sidan vi over fleire år har «trukke på» gode undervisingskrefter frå MHS/VID vart overskotet gitt til prosjektet «Global Scholarship Scheme» ved MHS.

Lydfiler av undervisinga vart publiserte på brynekyrkja.no.

Jens Olav Mæland, Jan Helge Stensland og Kjell Ragnar Thu.

ÅRSMELDING 2022 FOR BRYNE DIAKONIUTVAL

BRYNE DIAKONIUTVAL

Denne årsmeldinga omfattar oppgåver der diaconiutvalet saman med diakon og andre frivillige medarbeidarar er involverte. Diaconiutvalet i Bryne hadde 5 møter i 2022, og har bestått av Anna Maria M. Stensland, Elisabeth Vold, Guri Bergsaker Stokkeland og Heidi Strand Harboe (soknerådsrepresentant). Marit Høie Hetland er som diakon i Bryne kyrkjelyd også fast med på møtene. Utvalet har stort behov for å vera fleire medlemmar, men har ikkje dette året lukkast med å finna fleire representantar.

DIAKONALE ARRANGEMENT FOR VAKSNE OG ELDRE; HAUSTFEST, VI SYNG TIL JUL, BESØKSTENESTE OG INSTITUSJONSANDAKTAR

- Me syns det er viktig med heimebesøk. Medlemmane i diaconiutvalet tilbyr jubilantbesøk med ei helsing til alle medlemmar i soknet som fyller 80, 90, 95 og 100 år. Fleire andre besøk blei også utført av både frivillige og tilsette. Prest eller diakon held jevnleg andaktar og gudstenester på institusjonane der fleire frivillige deltek med song og pianospel.
- Diaconiutvalet arrangerer haustfest i kyrkja på Bots- og bønedag kvart år. Me fekk også i år ha ein vellukka fest med flott program. Mange stillar opp, og det er stor dugnadsaktivitet for å få dette til.

- Etter at «Vi syng til jul» blei avlyst på målstreken pga. smittevernrestriksjonar i 2021, så fekk me endeleg ha dette arrangementet i desember dette året. Det blei ei gild songstund der me kunne samlast til allsong rundt dei gode julesongtradisjonane me har.
- Tredje torsdag i månaden er det Torsdagstreff i Bryne kyrkje. Eit godt treffpunkt for alle +/- 60. Det er eit variert program med «kultur/kåseri»-innslag, songstund, mat, drøs og andakt. Dette er svært vellykka og fyller kyrkjå med ca. 60-90 glade seniorar kvar gong. Torsdagstreffet har ein eigen komité, og også her er det mange frivillige som er med og drar lasset.

INTEGRERINGSARBEID;

INVANDRARARBEID, SUNDAGSTREFF OG CAFÉ WILLIAM

- I 2021 blei det starta opp innvandrarartreff i Bryne kyrkje. Kvar tysdag blir det invitert til treff der det sosiale fellesskapet står i fokus, samtidig som ein får praktisera det norske språket. Kvar gong er det kaffi, noko å bite i og gruppесamtalar. Ca. 15 personar har begynt å kome nokolunde fast, og det ser også ut til at fleire ukrainarar finn seg til rette her. Fleire frivillige stiller opp og gjer dette til ein god stad å koma til.
- «Sundagstreff» er samlingar som er spesielt tilrettelagt for menneske med utviklingshemming. Då er det først ei samling med song, mat og drøs i kyrkestova, og etterpå går alle opp i kyrkjesalen for å feira gudsteneste.
- Frelsesarmeene på Bryne har eit arbeid retta mot rusavhengige og andre som treng hjelp i kvardagen. Dette arbeidet heiter Café William, og her blir det ein dag i veka delt ut mat. Praxedes er med og hjelpar til i dette arbeidet. Det er fint å vere med og gi hjelp til menneske som treng ei utstrekkt hand.

BØNEARBEID OG SORGARBEID

- Eit bønebrev for Brynekirken blir laga av ein frivillig komité kvar halvår til utdeling og bruk for Bryne kyrkjelyd. Kvar onsdag kl. 11:00 er det eit bønemøte i dåpsakristiet i Bryne kyrkje. Her samlast ei gruppe personar og ber for kyrkja vår og for andre bønebehov. Bønemøtet er ope for alle som vil koma.
- Gjennom året tek diakonen kontakt med etterlatne i Bryne. Sorgstøttegrupper for vaksne blir arrangert i samarbeid med Jæren- og Sandnes prosti, desse gruppene startar opp fortløpande etter behov. Sorggrupper for barn har dette året vore arrangert i samarbeid med SeMeg-stasjonen. Sidan SeMeg-stasjonen nå er lagt ned, blir det jobba med å få arrangert sorggrupper for barn i samarbeid med andre aktørar.
- Sørgjande blir inviterte til minnegudsteneste og open kyrkje arrangement. Begge desse arrangementa er lokalisert i Time kyrkje, sidan det er der gravplassen er. I 2022 blei minnegudstenesta råka av smitteverntiltak, og gudstenesta som skulle ha vore i januar måtte flyttast til Allehelgensdag.

GRØN KYRKJELYD OG FASTEAKSJONEN

- I 2021 blei det oppretta ein eigen komité som skulle jobba for at Bryne kyrkjelyd skal vera ein grøn kyrkjelyd, der klima og miljø kjem endå meir på dagsorden. Komiteen jobbar godt, og har mellom anna arbeida med utearelalet rundt Brynekirken, arrangert kurs i plantebasert matlaging, bytedag, søppelsortering og temakveldar om økologi.
- Tysdag 5. april blei årets fasteaksjon gjennomført. Endeleg kunne me gå på dør-til-dør aksjon etter 2 år med pandemi. Resultatet i Time i år gav rekord, og bikka 200 000 kr. I Bryne blei det samla inn kr. 112 523,- Eit fantastisk resultat, der mange bidreg.

TANKAR FRAMOVER

Me er svært glade for alle treffpunktene me får lov til å ha med menneske i tilknyting til kyrkjelyden vår. Det finns mange fleire gode diakonale treffpunkt, der medmenneske treffer kvarandre i regi av Brynekirken. Me håpar og trur at me i 2023 også kan få lov til å vere Guds utstrekkte hand til nokon som treng eit

medmenneske. Det er mange som bidrar frivillig i ulike oppgåver i det diakonale arbeidet i regi av Bryne kyrkjelyd. Det er ikkje mogleg å nemna kvar einskild med namn, men diakoniutvalet ønskjer å takka kvar og ein for den viktige oppgåva dei står i. Mange som gjer ein stor innsats i det diakonale arbeidet er ofte dei som jobbar i det skjulte, tusen takk for stor innsats i 2022.

Skrive av:
Marit Høie Hetland



**«KOM TIL MEG,
ALLE DE SOM SLIT OG HAR TUNGT Å BER;
EG VIL GJE DYKK KVILE!»**

ÅRSMELDING FRÅ MISJONSUTVALET 2022

Misjonsutvalet (MU) skal vera pådrivar for at Bryne kyrkjelyd har eit levande engasjement for misjon lokalt og globalt. Utvalet har bestått av Steinar Espvik (leiar), Hans Austnaberg (sekr), Helga Johannessen og Anne Kristine Røthing.

MU har hatt 4 utvalsmøte og elles prøvd å utveksla informasjon og dela oppgåver via mail.

Stefanus-alliansen hadde tilbode oss eit seminar med Vija Herefoss og det fekk vi gjennomført 27.03.2022 med noko laber oppslutning. Vi har nok vore uheldige med marknadsføring av arrangementa...

Men 11.09.2022 fekk vi besøk for NMS av Nils Endre Eikeland og det samla fleire til ein fin kveld med misjonsoppdatering.

Måndag 24.10 2022 hadde Stefanus-alliansen spurd om dei kunne koma og arrangera ein misjonskveld med Jostein Ørum og musiker Kristin Minde. Mot nokre sin skepsis samla vi godt med folk som fekk ei spennande reise austover og møte med oldkyrkje spor og spennande musikk.

Misjonsavtalen med NMS gjekk ut 31.12.2022 men soknerådet støtta ei tilråding frå MU om å fortsetja med NMS, men vurdera kva prosjekt Bryne kyrkje skal engasjera seg i. Vi valde Madagaskar og særleg arbeid mellom blinde og andre som treng støtte i undervisning.

Misjonsvindua prøver vi å fylla med relevant stoff til inspirasjon for tenesta vi står saman i. Vi har og fått bidratt med stoff i Helgedagen som har vore etterlyst som ein god kanal å dela slikt stoff.

Vi håper at 2023 vil innebera ei god vidareføring av arbeidet vårt og at vi betre kan leva opp til eigne og andre sine forventningar.

ÅRSMELDING JULEMESSA 2022

26. november var det igjen julemesse i Bryne Kyrkje. På førehand hadde svært mange frivillige solgt lodd og produsert varer til messa. Gåver blei gitt til hovedtrekning og åresal, både av enkeltpersonar og firma.

På opningsmøtet kl 11 var det fullt hus! Folk blei ønskt velkommen og fekk med seg andakt, song og musikk.

Denne festdagen i kyrkja fortsatte på tradisjonelt vis med kafè, varesal, åresal og sal av lodd til hovedtrekninga.

Om kvelden var det fest med flott hovedtale av Kirsten Jæger Fjetland med tema «Fellesskap og medborgarskap». Jærklang og elevar frå Time kulturskule song og spelte. Helga Johannessen fortalte og viste bilete frå Elvecruise på Madagaskar. Matpause med åresal. Hovedtrekning.

Stor TAKK til alle dei frivillede som er med på å gjera julemesse mogleg! Det er ikkje få! Det er fantastisk å få vera med på ein slik stor dugnad og samarbeida med så mange velvillege folk!

Resultatet frå julemesse var ny rekord: Kr 208, 370,-.

Dette blir delt mellom barne-og ungdomsarbeidet i kyrkja (75%) og kyrkja sine misjonsprosjekt for NMS og Misjonsalliansen (25%).

Julemessekomiteen består av Synnøve Hatle, Hanne Blessum Støle, Anne Brit Ree, Torunn Undheim og Inger Bakke Berge (leiar).

Takk og til Elisabeth og Jostein på kontoret for god hjelp for komitéen.



BØN OM VEKST

*Heilage, allmektige God og gode himmelske Far,
gjer oss ivrige etter å bli betre kjende med deg
og la deg vera Herre i liva våre!*

*Hjelp oss å møta medmenneska våre med ei open famn,
slik at Brynekyrkja kan vera den opne famns kyrkje!*

*Det bed vi deg om, du som verkar i oss med di kraft
og kan gjera så uendeleg mykje meir
enn alt det vi bed om og skjørnar.
I Jesu namn.*

Amen



Bryne
Kyrkja

Time kyrkjekontor
Erlandsbakken 6
4340 BRYNE
Tlf. 51770377
kyrkjekontoret@time-kyrkja.no
<http://www.brynekyrkja.no>